

3. Af þrífasa mælum 50 amp. og minni .. kr. 3.00 á mánuði.
4. — þrífasa mælum 50 til 200 amp. ... — 7.00 — —
5. — þrífasa mælum yfir 200 amp. .... — 10.00 — —

**101**  
2. júní

Af öðrum mælitækjum en þeim, sem nefnd eru í skránni, skal leigan vera sem næst 20% af verði mælitækjanna. Leiga af mælitækjum skal innheimt um leið og gjald fyrir raforku.

### III. OPNUNARGJALD

1. Hafi gjald samkvæmt gjaldskrá þessari eigi verið greitt, svo að til lokunar hafi komið fyrir veitu, skal taka gjald fyrir enduropnun, 10 krónur.
2. Ef fundin eru óleyfileg eða of stór vör við skoðun, skal veitunni lokað tafarlaust, og verður hún eigi opnuð fyrr en notandi hefur greitt 10 krónu gjald á skrifstofu rafveitunnar.

Rafveitustjórn er heimilt að hækka eða lækka gjöld, sem ákveðin eru í I. kafla þessarar gjaldskrár, um allt að 20% án sérstakrar staðfestingar ráðuneytisins, enda sé breytingin auglýst í Lögbirtingablaðinu áður en til hennar kemur.

Gjaldskrá þessi staðfestist hér með samkvæmt vatnalögum, nr. 15 20. júní 1923, og raforkulögum, nr. 12 2. apríl 1946, til þess að öðlast gildi 1. júlí 1950, og birtist til eftirbreytni öllum þeim, sem hlut eiga að máli. Gjaldskrá þessa skal endurskoða fyrir 1. júlí 1951.

*Atvinnumálaráðuneytið, 2. júní 1950.*

**Hermann Jónasson.**

*Dorv. K. Þorsteinsson.*

Staðfesting forsetans á skipulagsskrá fyrir „Húnasjóð“, útgefin á venjulegan hátt að mandatum af dómsmálaráðherra 3. júní 1950.

Skipulagsskráin er þannig:

## SKIPULAGSSKRÁ

fyrir Húnasjóð.

**102**  
3. júní

### 1. gr.

Sjóðurinn heitir *Húnasjóður*. Heimili hans og varnarþing er á Hvammstanga.

### 2. gr.

Sjóðinn stofna hjónin Ásgeir Magnússon og Unnur Ásmundsdóttir, til þess að minnst starfs Alþýðuskóla Húnavetninga, sem Ásgeir stofnaði og rak á Hvammstanga árin 1913—20.

Stofnfé sjóðsins er:

Frá Ásgeiri .....	kr. 10000.00
Frá Unni .....	— 5000.00

Samtals kr. 15000.00

- 102** Stofnféð mun verða innt af höndum í fulltryggðum verðbréfum, sem falla í 3. júní gjalddaga þegar Ásgeir deyr.  
Sjóðinn má efla með gjöfum og áheitum.

**3. gr.**

Tilgangur sjóðsins er að stuðla að menntun alþýðu á þann hátt, er síðar segir.

**4. gr.**

Sjóðurinn er falinn sýslunefnd Vestur-Húnavatnssýslu til varðveislu og ráðstöfunar á hverjum tíma samkvæmt tilgangi hans. Skipar hún þriggja manna sjóðstjórn: formann, ritara og gjaldkera. Sjóðstjórn heldur gerðabók og sjóðbók. Í gerðabók skal rita stofnskjöl sjóðsins, skipulagsskrá og greinargerð. Þá skal ætla stuðningsmönnum rúm, ef einhverjir verða, og framlögum þeirra. Að öðru leyti geyma gerðabækur ályktanir og gerðir sjóðstjórnar í sjóðsins þágu. Sjóðbók geymir tekjur og gjöld sjóðsins og ársreikning. Oddviti sýslunefndar löggildir bækurnar. Sjóðstjórn annast öll störf, er sjóðinn varða. Hún leggur tillögur sínar um styrki, er síðar getur, fyrir sýslunefnd til samþykkis — eða úthlutar styrkjum að fengnu urboði sýslunefndar. Hún leggur ársreikning sjóðsins fyrir sýslunefnd til samþykkis. Reikningar sjóðsins skulu birtir með reikningum sýslusjóðs.

**5. gr.**

Fé sjóðsins skal ávaxtað í Sparisjóði Vestur-Húnavatnssýslu á Hvammstanga. Hálfir vextir skulu ávallt lagðir við höfuðstól. Aldrei má skerða það fé, er safnast af höfuðstól og hálfum vöxtum, gjöfum og áheitum. Sjóðstjórn vinnur kauplaust í þágu sjóðsins og enginn reksturskostnaður má á hann falla.

**6. gr.**

Hálfum vöxtum sjóðsins skal varið til styrktar félitlum en efnilegum námsmönnum eða námsmeyjum, sem stunda lokanáms í vísindum við erlendan háskóla. Minnsti styrkur sé kr. 1000.00, miðað við peningagildi nú á tímum. Þess skal gætt, að styrkur spilli eigi aðstöðu nemanda til styrkja eða lána úr öðrum sjóðum. Starfs svið sjóðsins er Vestur-Húnavatnssýsla öll.

**7. gr.**

Ef það kemur fyrir, að einhver, sem fullnægir framansögðu, leggur stund á háleit vísindi — andleg eða efnisleg — og ef þess má vænta, að hann eða hún geti orðið boðberi mikilla sanninda, þá skal sá eða sú ganga við styrkveitingu fyrir þeim, sem búa sig undir algeng embætti.

**8. gr.**

Sú kvöð fylgir styrk að flytja, að námi loknu, 1—2 erindi úr vísindagreininni við alþýðu hæfi, annað hvort í útvarp eða á annan hátt. Ritgerð við alþýðu hæfi getur þó talizt jafngilda því. Fyrir alla slíka þjónustu má taka gjald, svo sem völ er á, sjóðnum þó að kostnaðarlausu.

**9. gr.**

Í stað styrkveitinga eða jafnhliða þeim, skal þó sjóðstjórn, ef sýslunefnd leyfir, heimilt að lána námsfólki, er um getur í 6. og 7. gr., fé sjóðsins, að meira eða minna leyti og án ihlutunar stofnenda um lánsfjárhæð til hvers eins og gegn þeim tryggingum og með þeim vaxtakjörum og gjalddögum, er sjóðstjórn í umboði sýslunefndar ákveður, hverju sinni. Lánveitingu fylgir þá ekki sú kvöð er um getur í 8. gr.

10. gr.

Leita skal staðfestingar forsetans á skipulagsskrá þessari.

Reykjavík, í júní 1949.

Ásgeir Magnússon. Unnur Ásmundsdóttir.

102

3. júní

**AUGLÝSING**

103

5. júní

**um afnám reglna nr. 108 10. júlí 1944, um flokkun og mat á óþveginni ull.**

Reglur um flokkun og mat á óþveginni ull frá 10. júlí 1944 eru hér með úr gildi felldar

Þetta tilkynnist öllum, sem hlut eiga að máli.

*Landbúnaðarráðuneytið, 5. júní 1950.***Hermann Jónasson.***Gunnl. E. Briem.***AUGLÝSING**

104

6. júní

**um breyting á gjaldskrá fyrir Rafveitu Neskaupstaðar, nr. 154 11. nóv. 1948.**

Stafliðir A, B og C í I. kafla gjaldskrárinnar orðist svo:

**A. Lýsing.**

1. Um kwst.mæli á kr. 1.75 hver kwst.
2. Um kwst.mæli á 75 auru hver kwst., auk fastagjalds, er nemi 60 auru á mánuði á hvern m<sup>2</sup> gólfflatar í rúmi því, er lýsa skal. Fullt fermetragjald skal greiða af gólfleti í búðum, vinnustofum og skrifstofum, en fyrir ganga og geymslur skal deila fermetragjaldinu með tveimur.

**B. Rafmagn til almennrar heimilisnotkunar.**

Um kwst.mæli á 50 auru hver kwst., auk fastagjalds, er nemi kr. 4.00 á mánuði fyrir hvert herbergi, sem ætlað er til íbúðar, og eldhús. Til herbergja skal ekki telja ganga, baðherbergi eða geymslur. Herbergi, sem er minna en 5 m<sup>2</sup>, skal telja sem hálf, en stærra en 25 m<sup>2</sup> sem tvö. Þar sem meðalstærð herbergja í íbúð er minni en 10 m<sup>2</sup> má reikna með þeirri meðalstærð.

**C. Vélar.**

Þar, sem raforka er notuð til vélareksturs, skal hún seld:

1. Um kwst.mæli á 95 auru hver kwst. Hafi vélarinnar mjög stuttan notkunartíma, má krefjast minnsta árgjalds frá kr. 125.00 til kr. 150.00 á hvert uppsett kw. vélanna.